



Um þessar mundir fara fram hin árlegu samræminganámskeið fyrir sauðfjárdómara. Eitt af áhersluatriðunum á námskeiðunum er að fylgja eftir uppfærslu á dómstiganum.

Sauðfjárdómar og forystufé

– Uppfærsla á dómstiganum samþykkt í fagráði

Eyþór Einarsson
ráðunautur búfjárræktar-
og þjónustusviðs
ee@rml.is



Fagráð í sauðfjárrækt samþykkti tvær breytingar á dómstiganum sem notaður er við lambadóma, nú í ágúst. Annars vegar er um að ræða breytingar á viðmiðum fyrir einkunn fyrir bak og hins vegar eru það breytingar á dómum fyrir ull.

Þegar hrútum er gefin einkunn fyrir bak er haft til hliðsjónar kröfur um vöðvaþykkt, fitu og lögun bakvöðva auk þess sem tekið er tillit til þroska gripsins. Á síðustu árum hafa orðið talsverðar framfarir í þykkt bakvöðva. Var því orðin nokkur samþjöppun í einkunnum fyrir bak þar sem algengasta einkunnin er 9,0. Ákveðið hefur því verið að auka kröfurnar um 2 mm fyrir hverja einkunn dómstigans fyrir bak.

Einnig var ákveðið að gera þá breytingu að fyrir hæstu bakeinkunnir eru nú gerðar meiri kröfur um lágmarksfitu og kröfur um hámarksfitu rýmkaðar, en viðmiðið er nú að 45 kg lambhrútur hafi 2 til 4 mm þykka fitu yfir bakvöðvanum til að hljóta hæstu einkunnir (9,0 eða hærra).

Hin breytingin sem gerð var á dómstiganum er meiri grundvallarbreyting. Það er gagnvart ullinni, en nú var það skref stigið til fulls að aftengja lit kindarinnar ullardómnum. Hingað til hafa aðeins hreinhvítar kindur geta fengið hæstu einkunnir fyrir ull.

Áherslan fer því alfarið á ullargæðin og ullarmagnið og reynt að ná betur fram breytileika innan hvers litar. Vonast er til þess að með þessari breytingu færast þetta ullarmat nær því að ná utan um eðlisgæði ullarinnar. Breytingin ætti að skapa betri grundvöll til þess að nýta þessa einkunn í framtíðinni til að reikna kynbótamat fyrir ull.

Breytingar þessar munu væntanlega hafa þau áhrif, að væg gengisfelling verður á hrútaðómnum þar sem kröfur um vöðvaþykkt hafa aukist. Þá ætti ekki lengur að vera þörf fyrir það á hrútasýningum að hafa sérstaka flokka fyrir mislitt fé.

Drög að ræktunarmarkmiðum fyrir forystufé og dómstigi fyrir þann merkisfjárstofn hafa legið fyrir í nokkurn tíma og mönnum gefist kostur á að gera athugasemdir áður en þetta plagg yrði afgreitt af fagráði. Í sumar voru þessi ræktunarmarkmið yfirfarin og hafa nú verið samþykkt af fagráðinu. Þeir sem standa fyrir hrútasýningum á komandi hausti eru hvattir til þess að bjóða upp á sérstakan flokk fyrir forystufé sem vonandi myndi auka áhuga á forystufénu og hlúa að varðveislu þess og ræktun.

Á heimasíðu RML má nálgast uppfærðan dómstiga fyrri lambadóma og endanlega útgáfu af ræktunarmarkmiðum og dómstiga fyrir forystufé.

Einkunn	Þykkt (mm Fita (mm)	Lögun	Annað
10	Meira en 3! 2 - 4 mm	5	
9,5	36-39 2 - 4 mm	≥ 4,5	Frábært átak, mjög breitt bak
9	32-35 2 - 4 mm	≥ 4	Mjög gott átak, breitt bak
8,5	29-31	≥ 3,5	Gott átak, háþorn og þverþorn finnast ekki
8	27-28	≥ 3	Finnst fyrir háþornum og þverþornum
7,5	25-26		Háþorn og þverþorn finnast greinilega
7	21-24		Áberandi gallar, lélegt sláturlamb
6,5	Minna en 21		

Viðmið sem fylgja dómstiganum sem notaður er við lambadóma hafa verið uppfærð. Þessi viðmið hafa dómara til hliðsjónar þegar einkunn fyrir bak er gefin.

Á FAGLEGUM NÓTUM

Línubrjótur með ARR/x arfgerð

– Hvað á að verða um þá?

Vangaveltur hafa vaknað varðandi það hvernig eigi að bregðast við ef línubrjótur reynast vera af ARR/x arfgerð.

Það er niðurstaða Matvælastofnunar að túlka megi 1. mgr 25. gr. laga nr 25/1993 um dýrasjúkdóma og varnir gegn þeim á þann veg að heimild stofnunarinnar til að leyfa flutning á kynbótagripum yfir varnarlinur geti einnig náð til línubrjóta með ARR-arfgerð.

Haust og vetur 2023-24 gildir:

Þegar um línubrjóta er að ræða

skal allt fullorðið fé sent til slátrunar eða aflífað, utan sláturtíðar. Ef um lömb er að ræða sem eru með staðfesta ARR arfgerð fá þau að lifa svo lengi sem ekki er um að ræða heimflutning af garnaveikisvæði yfir á svæði þar sem ekki er bólusett við garnaveiki. Matvælastofnun getur þó veitt undanþágu frá þessu ákvæði við sérstakar aðstæður.

Þetta þýðir að þegar línubrjótur koma fram í haustréttum, ber fjallskilastjóra að hafa samband við eigendur. Ef viðkomandi eigandi getur sýnt fram á (í Fjávís)

að lömb séu af ARR-arfgerð gefst honum þar með kostur á að sækja um undanþágu til Matvælastofnunar til að fá að sækja þessi lömb og setja þau á til lífs.

Það þarf að vera tryggt að umrædd lömb séu þá geymd í réttinni, fóðruð og þeim brynnt eins eigandi getur sótt þau að fengnu leyfi Matvælastofnunar. Sækja skal lömbin eins fljótt og hægt er.

Sigurbjörg Ólöf Bergsdóttir,
sérgreinadýralæknir nautgripa
og sauðfjár hjá Matvælastofnun

STRAUTMANN STÆÐUSKERAR

Þýsk gæði og áreiðanleiki



**Vinnslubreidd: 2,0m
Dýpt á kubbi: 1,2m**

**Verð kr.
1.935.000
án vsk.**

Kr. 2.399.400 m/vsk



Völuteig 4 - 270 Mosfellsbær
www.vinnuvelarehf.is - S: 496 4400

Magnús Leópolðsson lögg. fasteignasali
FASTEIGNAMÍÐSTÖÐIN
Hlíðasmára 17, 201 Kópavogi Sími 550 3000 Gsm 892 6000



Til sölu Garðyrkjubýlið Reykás

Reykás stendur á um fjögurra hektara landi, úr jörðinni Götu Hrunamannahreppi.

Lausleg lýsing

Hér um að ræða stóra garðyrkjustöð í fullum rekstri, húsakostur rúmlega 5000 fermetrar að stærð, með stækkunarmöguleikum, staðsett á um fjögurra hektara eignarlandi. Aðgangur að borholu með heitu vatni.

Nánari upplýsingar gefur Magnús Leópolðsson í síma 892 6000 eða magnus@fasteignamidstodin.is


MYKJULÓN

Hagkvæm geymsla verðmæta

Mykjulón eru hagkvæm og afturkræf aðferð við geymslu á húsdýraáburði sem gerir bændum kleift að hámarka verðmæti áburðarefna og uppfylla kröfur um geymslu búfjáraáburðar. Mykjulón eru styrkhæf framkvæmd.

Verðdæmi:

1.000m³ 2.800.000 án vsk. Kr. 3.472.000 m/vsk	1.500m³ 3.500.000 án vsk. Kr. 4.340.000 m/vsk	2.000m³ 4.300.000 án vsk. Kr. 5.332.000 m/vsk
---	---	---



Völuteig 4 - 270 Mosfellsbær
www.vinnuvelarehf.is - S: 496 4400